

欽定大清會典事例

欽定大清會典事例卷二百四十六

戶部

雜賦 考成

考成○順治二年差茶馬御史一人轄陝西五
茶馬司○三年差滿漢部員管理蘆政○四年
差滿漢巡茶御史筆帖式通事各一人○七年
令各省督撫遴委屬官將沿江蘆洲舊額新漲
詳查報官如有徇情隱漏將該督撫一併議處
○八年覆准蘆課改歸州縣徵收彙解司庫報
部○九年覆准復差部員管理蘆課○又覆准

蘆洲每五年丈量一次止丈新漲新坍地增額
開除如無坍漲不得重丈滋擾。十八年覆准
各省蘆課經徽州縣衛所官未完不及一分者
罰俸一年未完一分者降俸一級二分者降職
一級皆戴罪督徵完日開復三分者降職二級
調用四分以上者革職督催司府官及直隸州
知州都司未完不及一分者停其升轉未完一
分者罰俸一年二分者降俸一級三分者降職
一級皆戴罪督催完日開復四分者降職二級
調用五分以上者革職如直隸州知州經徵本

州蘆地挖欠者。照州縣例處分。巡撫未完一二分者。罰俸一年。三分者。降俸一級。四分者。降俸二級。五分者。降職一級。六分以上者。降職二級。調用署印各官。未完一分者。罰俸六月。二分者。罰俸九月。三分者。罰俸一年。四五分者。降職一級。調用六七分者。降職二級。調用八分以上者。革職。署印不及一月者。免議。叅後限滿不完者。照年限例處分。○康熙元年題准。直省雜稅。照正賦例。依限奏銷。違者。照例叅處。○二年題准。茶九萬篋。作一分考覈。欠不及半分者。罰俸六

月欠半分以上。罰俸一年。一分以上。降一級。二分以上。降二級。三分以上。降四級。調用。四分以上。革職。溢額。每分以上。紀錄一次。至四分以上。加一級。五分以上。加一級。紀錄一次。○四年奉

旨。蘆課停差部員。令地方官徵收。○又裁陝西苑馬各監。○五年題准。茶引不完者。雖得茶。不准議敘。○七年。裁茶馬御史。歸甘肅巡撫兼理。○八年。復差部員管理蘆政。○十年。蘆課停差部員。仍令地方官徵收。○十二年。覆准。蘆課銀未完。大小各官。或初參。或滿限題參者。皆照准。徐等倉

錢糧未完官員初叅及限滿例叅處淮徐等倉
錢糧初叅經徽州縣官欠不及一分者停升督
徵欠一分者罰俸六月欠二分者罰俸一年欠
三分者降俸一級欠四分者降俸二級欠五分
者降職一級欠六分者降職二級欠七分者降
職三級欠八分者降職四級以上皆令戴罪徵
收停其升轉完日開復欠九分十分者皆革職
布政使知府直隸州知州欠不及一分者停升
督催欠一分者罰俸三月欠二分者罰俸六月
欠三分者罰俸一年欠四分者降俸一級欠五

分者降俸二級。欠六分者降職一級。欠七分者降職二級。欠八分者降職三級。欠九分者降職四級。以上皆令戴罪督催。停其升轉。完日開復。欠十分者革職。巡撫欠不及一分者停升。督催欠一分二分者罰俸三月。欠三分者罰俸六月。欠四分者罰俸一年。欠五分者降俸一級。欠六分者降俸二級。欠七分者降職一級。欠八分以上者降職二級。以上皆令戴罪督催。停其升轉。完日開復。署印官欠一分二分者罰俸三月。欠三分四分者罰俸六月。欠五分六分者罰俸九

月欠七分八分者。罰俸一年。欠九分十分者。降一級調用。欠不及一分。並署印不及一月者。免議。又被叅後。州縣官限一年內全完。如原欠不及一分。一年內不全完者。罰俸一年。欠一分二分。一年內不全完者。降三級調用。欠三分四分。一年內不全完者。降四級調用。欠五分六分。一年內不全完者。降五級調用。欠七分八分。一年內不全完者。革職。布政使。並管錢糧道員。知府。直隸州知州。限年半年全完。如原欠不及一分。限年內不全完者。罰俸一年。欠一分二分。限年內

不全完者。降三級調用。欠三分四分。限年內不
全完者。降四級調用。欠五分六分。限年內不全
完者。降五級調用。欠七分八分以上。限年內不
全完者。革職。巡撫限二年內全完。如原欠不及
一分。二年內不全完者。罰俸一年。欠一分二分。
二年內不全完者。降二級調用。欠三分四分。二
年內不全完者。降三級調用。欠五分六分。二年
內不全完者。降四級調用。欠七分八分。二年內
不全完者。降五級調用。欠九分十分。二年內不
全完者。革職。其接徵接催官。均以到任之日為

始接徽州縣官亦限一年接催布政使道府直隸州知州限年半接催巡撫限二年催完如不完題叅之日照現在未完分數以初叅例處分至帶徵積年拖欠錢糧之大小各官不與經徵官一例處分限二年內全完如二年內不全完均按定例照各分數處分○十四年題准茶馬事宜每年八月造冊彙報○十八年題准雜稅錢糧均照正賦考成○二十年覆准閩安落地稅令福州府同知徵收○二十三年議准丈量廬地令選委賢能正印官不許用佐貳官如有

藉稱丈量需索累民者督撫指叅。二十九年覆准清理蘆洲地畝。停止差委道府等官。均聽各該州縣親履清丈。於部文到日為始。限半年之內通行丈量明白。造冊具題。又覆准蘆地五年一次。悉用印官親行經理。並從前積逋酌期帶徵。三十六年差部員管理茶馬事務。四十二年覆准山西省所屬雁門臥口二處稅務。令太原府知府徵收。俟一年滿時。稅銀報部作為定額。四十四年

諭。茶馬事務停止差官。著甘肅巡撫兼管。五十一年

覆准。山東省濟甯州稅庫大使稅務歸知州徵收。雍正四年題准。各省地方落地稅銀。交與各該撫。除每年徵收正額外。果有贏餘。儘數報部。五年覆准。滇省有稅之曲靖等六府。於雍正五年為始。該撫別委能員監收。按月儘收儘解。一年後所餘若干。歸正項充餉。嗣後即照五年收稅之數。永為定額。又覆准。山東省膠州及萊陽縣船稅銀。自雍正四年為始。照額起解。仍委登萊青道監收。又覆准。江西省南康饒州撫州三府。向係大使徵收貨稅。改歸各該府

管理。○又題准陝西甘肅兩省所屬之平涼慶陽甯夏涼州四府。向係各府經歷徵收。又鞏昌一府。係稅庫大使經收。均改歸知府管理。河州向係吏目經收。改歸知州管理。該管道府稽覈。○八年題准四川省開採紅白黃青銅礦鉛礦。大廠於各府通判內。小廠於各府經歷內。選擇賢能者管理。一年期滿。造冊交代。別選能員接管。如有侵挪盜賣等弊。即行題叅。○又題准四川省開採各處銅鉛等礦。應於甯遠府特設同知一人。專管各廠稅務。如有民夷混雜生事。及

出多報少情弊。許其揭叅。並於通廠路徑設汛。安塘駐兵巡查。各廠內委把總一人。率兵彈壓。○又題准四川省各處鉛銅礦廠。收買輓運。以及鼓鑄事務。於省城各道中委一人總理。○十二年

諭四川敘永廳與永甯縣同處一城。從前廳隸四川。縣屬貴州。是以兩處均收稅課。今既改隸一省。而仍兩處徵收。實為重複。著將縣稅裁除。止留廳稅。其一切貨物。均照川省之例徵收。○十三年

諭江南江西湖廣等省。正供錢糧款內有蘆課一項。凡

蘆洲均係沿江沙灘。坍漲靡常。是以定例五年一丈量。地方官踏勘新舊坍漲沙地。據實報聞。而不肖官吏。往往藉此納賄行私。已坍之地。不得豁除正賦。新漲之區。反可脫漏升科。此種積弊。甚為民害。嗣後屆期丈量。著該督撫於通省道員內。選廉能夙著者。率同該州縣官履畝勘查。凡有贏縮。均按現在實數。升除。毋使漏課。亦毋使賠糧。其不肖官吏。或尚有藉端需索等弊。即指名叅處。不得姑容徇庇。自干咎戾。

乾隆二年題准。雲南省曲靖府所收霑益南甯城內正稅。歸撥州縣徵收報解。○三年題准。廣

東省開採銅礦。設廠稽查。令該管道員統理。廳官兼轄。佐雜專管。嚴禁廠內一應匠役人等。毋許滋事擾民。仍於要隘附近鑪廠之地。設兵防範。委撥千把總駐紮管束。巡緝偷採私運之弊。其山場需用工丁甚多。應一山設山總一人稽查。每壠設壠長一人約束。每工丁十人。設甲長一人照管。均於本地誠實良民內召募。所需廠汛房屋木柵鑪座等項。詳加查勘。毋致有礙官河官道及民間田園廬墓。日用米糧各項。令附近村民販運貿易。儘遇米糧價昂。准赴產米地。

方買運接濟其經管各官如遇離任即飭接印官接交清楚照例取具交代印結送部查覈。○四年覆准蘆洲田地五年一丈為期既久姦猾豪強之徒或移坵換段或匿冊改名不免弊竇嗣後坍漲地畝一遇業戶具報該地方官隨即親詣勘明註冊通詳立案俟屆五年清丈之期將冊卷檢交委勘道員按冊稽查履勘明確照例升除。○十三年覆准凡有坍塌洲地即令業戶報官勘明原業頃畝註冊立案遇有淤漲亦即報官查明原坍之數撥補此外多餘漲地不

得概行霸占。如前未報坍者。不准撥給。至臨江
遙遠之戶。果係報坍有案。即將漲出餘地。秉公
撥補。若坍戶數多。按其報坍先後。以次照撥。儘
坍戶均已補足。尚有餘騰新淤漲地。許招無業
窮民認墾。官給印照。按則升科。仍令各屬按數
造報。俟五年清丈時。再行履勘。造冊送部。以定
升除。至隔縣坍漲。如此屬於漲之地。實係彼處
坍漲之數。上下對岸。顯有形迹。可據者。委官會
同兩邑地方官。據實勘驗。秉公撥補。不得偏袒
所屬。致有舛錯不公之弊。如未經報坍在先。及

雖曾報坍。遇有淤洲。不報官數撥。私行霸占者。審實。除將淤洲入官外。將該戶照盜耕官田律治罪。如地方官不清丈明確。以致坍少補多。或坍多補少。舛錯不公者。照官吏不用心從實檢踏律。分別議處。十六年覆准。向例蘆洲大丈屆期之年。均於十月舉行。而丈竣之期。例內未經指定。牧令等官。輒多藉故稽遲。嗣後屆大丈之年。責令州縣務遵定例。於十月水涸後。將坍漲清勘明確。限歲內造冊詳報。所委道員。於開印日督同履丈。定限四月內完竣。移司彙送。於

六月內詳題。儘仍因循逾限。即行分別叅處。至
坍沒地畝。嚴飭州縣逐一確查入冊。道員詳細
查覈。儘州縣草率。道員查出揭叅。如有扶同一
併分別議處。該督撫不即題叅。部內按限查覈。
將該督撫一併叅處。二十年議准。江西省蘆
洲地畝。坍漲靡常。定例五年丈量一次。將新淤
地畝撥補坍漲各戶。惟是蘆洲有有課無課之
分。凡濱江洲地。先由水影。次變沙灘。積漸成洲。
然後納課。其閒或經數年數十年。頗費工本。如
遇坍却。必屆大丈之年。始行除課。遇有淤漲之

地自應按照撥補。至於水影沙灘等類。原無工本。例不升課。其坍卸並無賠課。自不在應行撥補之例。乃姦猾豪強之徒。往往以無課沙灘。遇有淤漲。與有課報坍之戶。混爭撥補。以致案牘塵積。嗣後新漲地畝。除儘有課坍戶補足之外。尚有餘地。即將無課坍戶。按照報坍先後酌量撥補。再有餘贖。始行招墾。其隔屬接壤地界。亦照此例會同勘查。分別辦理。○三十七年覆准廣西省開採礦砂。令地方官詳明督撫批准試採。以二年為限。果有成效。題請抽課。逾限不報。

者議處。四十一年議准。貴州省普安縣之迴
龍灣。修文縣之紅白二巖。安化婺川二縣打巖
溝巖峯腳各水銀廠。開採抽課折交價銀。以漢
口市價為準。責令巡撫隨時咨查。照價折收。加
結照時價按季報部。儻有不肖官商短報價值
串通漁利。嚴叅究處。○嘉慶四年議准。葉爾羌
和闐等處出產玉石。聽商販運。經過嘉峪關。應
行納稅。即以該關巡檢為專管官。令收玉稅。責
成該巡檢就近經管徵收。○道光九年

諭。嗣後多倫諾爾同知經徵水旱木稅雜稅。飭令該員

按季造冊報明藩司暨總督衙門查考。俟一年期滿將徵收銀兩統限一月內詳由藩司一律請給咨批。勒令全數解部掣批備查。仍由司詳請覈題報銷。俾年清年款不致積壓虛懸。儻有遲延虧缺隨時查明叅辦。○十八年奏准各省出產茶葉大黃應稽查轉運設立票據歸沿海地方官兼管。○咸豐十年

諭著直隸總督轉飭藩司通飭各屬將燒鍋商戶清冊限一月內先行造報。並令每年六箇月造報一次。儻再遲延即將該藩司叅處。○又

諭奉天船規一項原定稅銀太輕著將各船隻照原徵

銀數各加一倍。以咸豐八年報部稅數作為正額。此外再加一倍。作為贏餘。由各口岸造冊詳報。盛京將軍等彙總奏報。至各項貨物經過內河各口岸。定為每石徵銀四分。以咸豐八年歸公銀數作為正額。再加一倍。作為贏餘。以錢一串抵銀一兩。搭放盛京官兵俸餉。如徵不足數。著落經徵之員賠補。○光緒十年奏准湖北省應城縣石膏井鹽稅課向分兩宗。石膏有稅有釐。係派委員駐局徵收。井鹽一宗。又分陸課水課。陸課係派委員承辦。水課專歸德安府同知經理。嗣後開火熬鹽。即按鹽收

課每鹽一斤抽收課錢四文。蓄水封峒。即按峒納課。每峒一座計日完納課錢四百文。並將水課歸併陸課一局經收。以便稽覈而節糜費。○又奏准。

盛京省城牛馬稅局嗣後即由監督在各屬官員內擇其妥實可靠者飭委一員責成常赴總局綜理一切稅務。所有各局當差之丁役人等統歸稽查。○十二年奏准吉林所產秧蕩草藥一併酌抽稅課以裕餉源。並照徵收土稅章程按一成五開支收稅人役工食。即自本年為始每

年以一萬八千串。作為定額。按年照額徵解。不
准虧短。所有光緒六七八九等年。收支稅課各
數。並經徵官切結。俱分造報部查覈。○十三年
奏准。奉天東邊外葦塘課賦。向按五則徵收。上
則中上則所出。係屬大葦。每畝可收二十束。每
束值市錢百文。中則以下所出。均係小葦。每畝
收三十餘束。每束值市錢二十文。擬定酌收葦
捐。值十抽一。大葦百束。收東錢四千文。小葦千
束。收東錢二千文。以豐收易售之年。作為準則。
提存道庫。備放兵餉。即以此數定額。酌提一成。

經費以資辦公。

欽定大清會典事例卷二百四十七

戶部

雜賦 禁例

禁例○順治二年題准凡通接西番關隘處所撥官軍巡守有夾帶私茶出境者拏解治罪其番僧若有夾帶姦人並私茶者沿途官司檢出茶貨入官伴送夾帶人送官治罪若該衙門官縱容私買茶貨及私受餽送增改關文者聽巡按查究辦理○又題准進貢番僧應賞食茶須給勘合撥發由茶倉所照數支放不許收買私

茶。○三年題准。甘鎮以茶易馬。各番許於開市處互市。不得濫入邊內。○又題准。民間食用米麥。皆停收稅。○四年議准。嚴禁州縣藉落地稅銀名色。及勢官土豪。未肖有司。設立津頭牙店。擅科私稅。○又議准。凡置買田宅。不稅契者。答五十。仍追契價一半入官。○五年議准。茶篋止供市馬。不許開銷賞番。○九年覆准。地方將領巡緝。不許倚託營兵旗人。販買私茶。○十年覆准。茶商舊例。大引附茶六十篋。小引附茶六十斤餘。今定每茶千斤。概准附茶一百四十斤。

如有夾帶查出治罪。○又題准凡鎮弁發銀市馬查覈的確准令購買。若有載茶易馬者概行禁止。○康熙元年題准禁止有司私給稅單收稅。○十二年覆准小民肩挑背負尺布斗米蔬果食物貿易者地方官不許徵稅。○十八年覆准產銅鉛廠任民採取徵稅銀二分按季造報。八分聽民發賣先儘地主報名開採地主無力許本州縣民採取雇募鄰近州縣匠役如別州縣越境採取及衙役攪擾皆照例治罪有墳墓處不許採取儻有不便督撫題明停止。○二十

六年議准。自康熙十五年至十九年。直隸各省加增田房鹽當牙行等項稅銀。通行各省。免其徵收。○又免徵湖廣新增鐵茶商茶稅銀。○二十八年題准。江甯民間鋪面。歲輸房號廊鈔等銀。悉行豁免。○四十一年覆准。京城內外煤牙。悉行禁革。其煤牙額稅。停止徵收。○四十三年覆准。嗣後茶禁。止於陝境交界處盤查。行人帶茶十斤以下者。停其按捕。有驢馱車載無官引者。即係私茶。照私鹽律治罪。失察官弁。照例議處。○四十四年覆准。私茶十斤以下。向停其按

捕恐姦民計圖免課分帶零運仍照舊緝拏處
分。四十五年議准嗣後一應牙行照五年編
審之例清查更換新帖如有頂冒朋充巧立名
色霸開總行逼勒商人不許別投拖欠客本久
占累行者嚴拏究治。四十八年覆准姦民希
圖射利捏稱牙行於良民買賣之際混行索詐
者令順天府尹通判大宛二縣五城兵馬司嚴
行查拏照例從重治罪。五十二年

諭據四川提督奏稱蜀省一碗水地方聚衆萬餘人開
礦差官力行驅逐等語此偷開礦廠之徒皆係無室

可居無田可耕貧民每日所得錙銖以為養生之計。若盡行禁止則伊等何以為生。該地方文武官弁作何設法使窮民獲有微利養贍生活。但不得聚眾生事妄行不法。大學士會同九卿議奏。欽此。遵

旨議定。凡各省所有之礦本處無業貧民私行採取者。各該地方官詢明姓名註冊。令其開採。仍不時稽查。毋致生事。其外省之人不許開採。並嚴禁本處豪強富戶設廠。如有此等情弊。該管文武官弁隱匿不嚴行查拏。照溺職例革職。該督撫將軍提鎮徇庇不行揭參。照徇庇例降三級調

用。五十五年議准免京城下等行鋪稅銀。○
雍正三年覆准。黃河以東蘭鞏平慶四府秦階
二州茶政。令湖廣督撫嚴飭產茶各州縣。凡商
茶照引運。茶先行申報本省。咨明豫撫轉飭經
過地方查驗。令陝州驗引。移送出關外。守取回
文備案。如該州藉名勒索。該撫即行題參治罪。
如商人離引行茶。及夾帶餘茶。並將舊引影射
者。該撫即行拏問。○又題准嗣後奉天買賣人
出威遠堡法庫口。至吉林黑龍江等處貿易。領
取車票。係民即在府尹衙門具呈查驗給票。旗

人。仍照舊例在

盛京兵部給票。僉官兵胥役等有通同勒索等弊。即題參從重治罪。○四年。獲准陝省茶改令產茶地方官給發船票。照依該商引目茶數逐一開明。不得別給印票。其應行盤查之處。照依引目。及正茶附茶斤兩。盤查驗放。不得勒索留難。如於部行之外。有搭行印票。及附茶不依所定斤數。多帶私茶者。拏獲。照私鹽律治罪。如查驗官故縱失察。照例處分。如地僻引多。致茶壅滯。不能行銷。該商具呈。該司詳報甘撫。行令往別

司分通融發賣辦課。七年題准。州縣徵收稅

銀。凡窮鄉僻社。些小生理。無關課稅者。永行革

除。又

諭。稅課之屬。無顯然額徵之數。則官吏得以高下其手。而閭閻無所遵循。即如從前各處稅課。經地方官徵收。有於額解之外。多數倍者。且有多至數十倍者。既無一定之章程。則多寡可以任意。其弊不可勝言。屬員既已貪取。則上司必致苛求。官員既已營私。則胥役必致橫索。日積月累。漸有加增之勢。而難於稽查。豈非民生之隱患乎。是以令各省督撫。遴委賢員監

收一年。以定科則。其徵收不及舊額者。亦令奏聞。降旨裁減。若該督撫等果能督率有司。奉行盡善。將一年所收者。悉行奏聞。不及額數者。請旨減免。則賦有常經。萬民共受其福矣。○八年題准。廣西省柳州府。舊有牛網客。人入犛犞之地。販買納牛稅銀四十一兩三錢。停止徵解。○九年

諭。向來各處落地稅銀。定例報出稅銀八百兩者。准加一級。多者以次計算。年來地方官員。皆知守法奉公。凡有稅課。皆隨收隨報。不敢侵隱。其報出之數。每倍於舊額。止恐將來不免冀幸功名之人。希圖優敘。以

致恣意苛索。擾累小民。且落地稅銀。非正項錢糧。有一定之數。可比。侵蝕隱匿者。固當加以處分。而爭多鬪勝者。亦當予以處分。其作何定議。並如何議敘。加級處分之處。吏部戶部悉心妥議具奏。欽此。遵

旨議定。各省落地稅銀。如徵收正額之外。按求需索。以致贏餘之數。幾倍於正額者。其稅契銀。如有將民間從前置買產業。苛索擾累。多收契羨者。該督撫一併指名題參。照例議處。至正額外。並無苛索擾累。實有贏餘。報出八百兩者。仍照定例。准其加一級。千六百兩加二級。二千四百兩者。

加三級。如此外雖再有贏餘亦不得過加三級。仍令各督撫將並無苛索擾累之處於疏內聲明。到日准其議敘。○又題准廣東省曲江惠來陽春等三縣有額無徵稅課等銀共七百八十四兩有奇永遠豁免。○十年

諭朕聞西甯北川口外白塔地方出產石煤係附近漢土番回民人採取販賣以為生理每馱納稅錢三十文於西甯委管之員收解充餉約計每年收銀一千九百餘兩近因西陲用兵之際西甯移駐兵弁較前為多率皆用煤以供炊爨煤價漸至昂貴若仍照前

例徵收稅錢。恐價值不能平減。於兵民均有未便。著將應徵稅錢寬免。該督撫轉飭有司實心稽查。儻胥吏人等有照例私收。或藉端需索者。務令查出。從重究治。○又奏准。木魯烏蘇地方。出產金砂。附近窮番藉以開採資生。應聽其自行開採。毋得招集多

人生事。○十一年

諭。各省商牙雜稅。固有關國課。亦所以便民。是以各有額設牙帖。皆由藩司頒發。不許州縣濫給。所以杜增添之弊。不使貽累於商民也。近聞各省牙帖。歲有加增。即如各集場中有雜貨小販。向來無藉牙行者。今

概給牙帖。而市井姦牙。遂恃為護符。把持爭奪。抽分利息。是集場多一牙戶。即商民多一苦累。況牙帖納稅。每歲無多。徒滋繁擾。甚非平價通商之本意。著直省督撫。飭令各該藩司。因地制宜。著為定額。報部存案。不許有司任意加增。嗣後止將額內各牙退帖頂補之處。查明換給新帖。再有新開集場。應設牙行者。酌定名數給發。亦報部存案。如此則貿易小民。可永除牙戶苛索之弊。○十二年

諭。朕聞東省泰山有碧霞靈應宮。凡民人進香者。皆在泰安州衙門輸納香稅。每名輸銀一錢四分。通年約

計萬金。若無力輸納者。即不許登山入廟。此例起自
前明。迄今未革。朕思小民進香禱神。應聽其意。不得
收取稅銀。嗣後將香稅一項。永行蠲除。如進香人民
有願輸香錢者。各隨所願。不必計較多寡。亦止許本
山道人收存。以資修葺祠廟山路等費。不許官吏經
手。絲毫染指。永著為例。○又

諭。湖北太和山香稅。著照山東泰安州之例。永行豁免。
○十三年

諭。朕聞各省地方。於關稅雜稅外。更有落地稅之名。凡
糧鋤箕帚薪炭魚蝦蔬果之屬。其值無幾。必查明上

稅方許交易。且販自東市。既已納課。貨於西市。又復重徵。至於鄉邨僻遠之地。有司耳目所不及。或差胥役徵收。或令牙行總繳。其交官者甚微。不過飽姦民猾吏之私橐。而細民已重受其擾矣。著通行內外各省。凡市集落地稅。其在府州縣城內。人煙湊集。貿易衆多。且官員易於稽查者。照舊徵收。但不許額外苛索。亦不許重複徵收。若在鄉鎮邨落。則全行禁革。不許貪官汙吏。假借名色。巧取著該督撫將通省額徵稅額。分析原額。新增並原設稅口。例載貨物應留應革款項。造冊題報。其如何裁革禁約之處。詳細造冊。

報部查數。又

諭。民間活契典業者。乃一時借貸銀錢。原不在買賣納稅之例。嗣後聽其自便。不必投契用印。收取稅銀。其地方官徵收稅課多者。亦停其議敘。再在京兩翼收稅之處。亦照此例行。○又題准。直隸省正定府屬之插箭嶺。倒馬關及所屬之上城鐵嶺口。專收貨物牲畜之稅。嗣後出入往來空身之人。停止復收稅錢。○乾隆元年

諭。廣東有埠租一項。乃民間自收之微利。前經查出湊修園基之費。今園基既動。公項修築。所有埠租一項。

免其徵收。○又覆准牙戶如各牙行式徵無力貿易。

有情願報官歇業者。即令其開除報部。不必俟
頂補有人。方准退帖。違者照例處分。○又覆准
浙江省嘉興。台州。溫州。處州等府屬之甬里等
處各口界址。每年應徵商稅等銀。永行禁革。○
二年題准。滇省鎮雄州係食川鹽。徵收過稅。准
其裁革。於鹽課銀內開除。○又題准。山東省魚
筏稅銀五百三十八兩九錢一分有奇。免其徵
收。○又題准。湖南省永州府帶徵商稅。及常德
府報增餘出鹽鈔。昌平熟鐵等稅。武岡州報增

餘出門攤酒醋等稅。岳州府屬之巴陵縣報增
餘出漁稅。均屬零星商販及額外加增之項。嗣
後全行禁革。○又題准。湖北省安陸府所屬之
河家集等十六處。襄陽府所屬之雙溝等十集。
鄖陽府所屬之安陽龍門江峪三處。均係小邨。
落向徵稅銀。全行禁革。○又題准。甘肅省平涼
府屬之白水鎮布疋煙紙等稅。臨洮府城褐稅。
並屬府之定羌驛內官營落地布麻褐等稅。悉
行禁革。○三年題准。江蘇等屬落地稅銀。分別
裁留。豁除各屬銀二千四百四十八兩五錢有

奇。○又題准直隸省遵化州寶坻縣及容城之
白溝河等四集河西務等三處並撫甯之深河
山海衛之海洋石門等處宣化府屬之蔚州河
間縣之桑家林等處均係零星交易土產貨物
應徵稅銀均予裁革。○又題准四川省廣元縣
商販活豬已經收稅每宰一豬復徵銀三分應
行裁革。至經過夔關在本地雜賣之米糧嗣後
免其徵稅。○四年

諭旨我

皇考惠愛商民恐州縣牙行歲有加增於雍正十一年

諭令各督撫飭令藩司因地制宜。著為定額。報部存案。不許有司任意加增。止許將額內各牙退帖頂補之處。查明換給新帖。再有新開集場。應設牙行者。酌定給帖報部。不許濫增。近聞江蘇各屬。於額帖之外。陸續增請者。一縣竟有數十張。以至百餘張不等。此必州縣官聽信吏胥播弄。藉新開集場。准其增設之例。或舊業而捏為新設。或裁牙而濶請改充。徒使貿易小民。受其苛索。莫可申訴。江蘇如此。則各省亦必皆然。該部即通行各省督撫。轉飭布政使司出示曉諭該地方。若有新開集場。應設牙行者。該印官詳確

查明取具印結。由府州覈實。詳司給發牙帖。如非新開集場。蒙混請增者。即行題參。從重議處。○五年。諭。近聞外省衙門胥吏。多有更名捏姓。兼充牙行者。此輩倚勢作姦。壟斷取利。其為市廛之蠹。尤非尋常頂冒把持者可比。嗣後作何定例嚴禁。及地方官失於稽察。作何處分之處。該部定議具奏。欽此。遵

旨議定。嗣後胥役現在更名捏姓。兼充牙行者。令地方官嚴密確實。即行追帖。勒令歇業。並將胥役充補牙行之弊。永行嚴禁。儻不法胥役。仍更名捏姓。兼充牙行者。照例杖一百。徒三年。如誑騙客

貨累商久候。一經告發。照例枷一月。發附近充軍。若地方官奉行不力。失於稽查。罰俸一年。有意徇縱者。降二級調用。如受財故縱。計贓從重。以枉法論。○七年覆准。客商販買米豆。皆須投託牙行。恐狡獪牙行。有意把持。高擡價值。於中取利。令直省督撫轉飭該地方有司。通行出示。嚴切曉諭。商人既不得藉貨居奇。行家更不得把持增價。儻有居奇把持等弊。查明究治。○九年題准。嗣後地方官濫給牙帖者。該管上司失於稽查。將知府照巡綽官失於稽查例。罰俸一

年司道照不行詳查例罰俸六月。若該管上司知情不據實揭報題參者。照徇情例降二級調用。牙行承充之時。向本殷實。厥後漸次式微。致有拖欠客本者。隨時革換。儻州縣仍將消乏牙行。不即革退。及並非殷實之人。出結申送。照衿監充認牙行州縣官奉行不力。例分別失察徇縱議處。如有枉法受贓等項。按律處分。並飭令地方官出示曉諭。如有姦牙狡獪。於發貨之日。不令客人與鋪戶三面議價。立定合同限帖。屆期同索者。許客商赴官具控。將該牙革退。別募

充當。如鋪戶過限不清。有意侵吞客貨者。仍將鋪戶嚴追。地方官儻有陽奉陰違。釀成積案者。以玩視民瘼題叅。○又題准。安徽省十三府州屬雜稅項下牛驢花布煙油等項銀。或係有款無徵。印官捐解。或空有地名。並無市集。或重徵經行牙行。或雜派於鋪家煙戶。實為擾累。嗣後悉予豁免。○十一年奏准。湖廣省衡州府設立賣鉛牙行。頒給印照官秤。凡赴買者。該牙依次發貨。如官買客販並至。先儘官。後給客。仍聽買賣人等當面議價。該牙在旁眼同兌交銀貨。以

免爭競。儻有把持欺壓等事。即行革究。○又題
准江蘇省碾餉缺額銀。出自碾米之戶完解。因
土俗變易。民間皆置木礮自做。碾戶消乏。並無
頂補之人。以乾隆十一年為始。概予豁免。○又
覆准江蘇省額賦之外。有城租缺額。吏農班餘
米軍餉。碾餉缺額。折穀無徵等項。雜辦共銀六
百二兩六錢五分七釐。均屬有款無徵。官民苦
累。嗣後照數豁除。○十七年議准。直省地方遼
闊。凡有種麻植苧。燒炭烘茹。開礦採捕等事。無
業窮民。羣集於深山大谷。湖濱海汊之間。務令

該州縣親履其地勘明形勢。細查來歷。繪圖貼說。造冊申報督撫。仍按季覆查。該督撫歲於四月十月內。檄令巡道會同營弁稽查出結申報。儘地方官及巡查官弁。有縱容兵役滋擾累民者。該上司即揭報督撫題叅。○又議准。凡產硝硫磺之地。除現在官為開採者。仍循例妥辦。毋許夾帶透漏。不時稽查外。其久經封禁之山澤。及出產硝磺之地。務嚴行申禁。儘有頑民私自開採。地方官不行嚴拏。別經發覺。即將該地方官嚴叅議處。務令獲犯治罪。其不行揭報之各

上司失於覺察之該督撫一併交部察議。○二十四年議准。民間活契典買田宅。遵奉雍正十三年

諭旨。概免其輸稅。其有先典後買者。按照典買兩契銀兩實數。每兩徵收稅銀三分。○二十七年覆准。開設牙埠。原以司帖為憑。其果係世業。現在父兄子弟均係監生。則另報無頂戴之人充當。即以的名給帖。其一家之中不皆監生。則令其無頂戴者報名。給予司帖。如有隱匿混請者。查出革退。不許復充。○二十八年議准。京師貨物消

長不一。自編審以來。絀緞白炭等行經紀貨少帖多。懸缺乏人。而貨多帖少之行。准其認補。按例輸稅。總不得逾原定額數。嗣後屆編審之期。遇有應行變通者。通融辦理。儻不肖姦牙。有把持壟斷。彼此爭奪。擾累商民等弊。即行照例治罪。牙帖繳銷。三十年議准。凡在京各牙行領帖開張。五年編審一次。通融抵補。給帖輸稅。其外省州縣牙行。有故歇業。及消乏無力承充者。五年編審更換新帖之處。俱行停止。○三十一年

諭民間田房漏稅在民自應查明令其補交。若外州縣官辦理稅契於紙內鈐蓋印信並不黏用司印契尾是不肖有司意圖侵肥入己所致。其實小民應投稅銀業已照數輸納。今乃令業戶補稅不於原稅之州縣名下追還。是百姓受重稅之累而侵隱之官吏轉得安享其利。於情理殊未得平。著該督撫詳細出示曉諭。凡民間有已經投稅並無司頒契尾者。令其據實首明。即行補給契尾。其稅銀毋庸重複補納。以恤民力。並查係何員任內經手。除事在五年以前及該員已經身故者。查明免其勒追外。其現任及升調各

員著照原稅銀數於各名下定限追完此後如再有止鈐契紙不連用契尾者各督撫即行查叅治罪如此則閭閻既免重科州縣共知儆惕○三十五年議准嗣後旗民典當田房契載年分統以三五年以至十年為率概不稅契十年以後原業無力回贖聽典主執業轉典其有於典契內多載年分者一經發覺追交稅銀並照例治罪○四十年議准

盛京驛丁價買房屋漏稅照旗民買賣田產漏稅之例於治罪追價外行令一律補稅○四十一

年議准。凡造作假茶售賣至五百斤以上。店戶
窩頓至千斤以上。各照例計數科罪。○又議准。
凡興販私茶。潛與外國人交易。及在腹裏地方。
賣與自京回程外國人者。不拘斤數。本商及知
情歇家牙保。各照例科罪。其在甘肅西甯河州
洮州。四川雅州私販。未經入番數。在百斤以上
及三百斤者。照例計數科罪。○又議准。興販私
茶。論如私鹽法。凡將批驗截角。退引影射照茶
者。即以私茶論。○又議准。各省開採礦廠。今督
撫遴委幹員。會同地方官據實勘驗。並無干礙。

民間田園廬墓者。准其題請開採。其峒老山空
礦砂無出者。取結題明封閉。其一切僻隅深菁
巡察難周之處。嚴加封禁。○四十六年。覆准八
旗官員及閒散家奴人等。置買房地。不赴左右
翼納稅過契。如有取巧赴大宛二縣捏作民契
私稅者。照違

制論。官員議處。閒散家奴人等。鞭責發落。仍令補稅
換照。如大宛二縣知情私准納稅。亦照違

制例議處。○嘉慶四年。議准甘肅省嘉峪關玉商到
關收稅。官驗明照票。按例收稅。即時放行。其餘

所帶別貨免其科稅。○又議准嘉峪關販玉商民到關自行報稅。如有鋪戶人等串通在關書役包攬承納稅課。從中留難及濫稅別貨者。許商人喊稟究治。○又議准嘉峪關進口綠白玉器玉石。應用收稅印票。由肅州鈐用三連串票發給管關巡檢填用。每遇玉商投稅。前幅填給商人收執。中幅申送藩司。尾幅肅州存查。以杜隱漏。○又議准嘉峪關玉石漏稅。數計正稅在五錢以上。加罰一倍。一兩以上。加罰兩倍。二兩以上。加罰三倍。三兩以上。加罰四倍。四兩以上。

加罰五倍。五兩以上。將貨物一半入官。一半補稅。若銀數在五錢以下者。止令完納正稅。免其加罰。○九年議准。京城及直隸省屬各牙經紀。除病故照例募補外。其緣事退帖。必須查明實係年老有疾。及不安本分之人。方准革退。另募不得任意去留。各處額設牙行。如有昔廢今興。照額復設者。許以該行原有廢帖募補。如該行本無廢帖。不准以別行廢帖通融改補。○又奏准。廣東省商漁船出口。由道府派委幹員查驗。如有私自夾帶米糧火藥出口者。即行會同拏

解該州縣審辦。仍將委員優加獎勵。如有得賄縱漏及任令家人跟役等藉端訛詐擾累及本地無賴民人誣捏挾讎首告。一經查出。即行加倍懲治。○十年

諭茶商承領引張。向由地方官出結。嗣因承充之人。由州縣查明出結。再由各衙門覈轉詳報。層層滋擾。守候需時。致有停引誤課之事。自應仍照舊章。責成總商稽查。該衆商等有無頂冒。令其造具確實籍貫引數清冊。取具親供甘結。由蘭州道行文該原籍地方。查明詳覆。移知布政司衙門存案。毋許一人跨占兩

籍方足以杜假冒蒙混之弊。○十五年奏准洋船到天津在東馬頭以上停泊起貨。五船為一排。十船為一幫。不准參差。其卸貨之後。尚須置買回貨。限十五日退泊開船出口。免致擁擠河道。所有閩粵水手。不許容留居住。責成地方官嚴行示禁。○二十一年

諭吉林前經奏准開採煤窯六處。其缸窯等五處產煤豐旺。已足供旗民日用之需。至營盤溝一處。試採無煤。即應照例題請封閉。乃於相連之西南山坡。換給執照開採。易啟影射蒙混之弊。著即封閉。將執照撤

銷以符定制。其缸窯等五處煤稅。均著於開創之年起納。○道光四年。覆准內地商人買運鐵斤出口。在各本境內打造農具。以一百斤為度。呈明地方官給照赴口。守口員弁查驗放行。如有私行夾帶不成器皿之鐵。至五十斤者。將鐵入官。百斤以上者。照例治罪。